

民國文存

26

三國晉初史略

王鍾麒 編

知識產權出版社

民國文存

26

三國晉初史略

王鍾麒 編

知識產權出版社

本書由王鍾麒所編二書《三國史略》《晉初史略》拼合而成，《三國史略》記述黃巾起義至蜀漢滅亡、司馬炎代魏平吳的史實，《晉初史略》記述的史實自司馬氏代魏開晉始，至八王之亂止。作者運用《後漢書》《三國志》《晉書》《華陽國志》《資治通鑑》等史料，主要著筆于主要歷史人物和重大歷史事件，勾勒出三國晉初的政治變遷史。

本書適合對歷史感興趣者及相關的研究者閱讀使用。

責任編輯：韓 帥 責任校對：董志英 動態排版：賀 天

特約編輯：李 珊 劉樂新 責任出版：盧運霞

圖書在版編目（CIP）數據

三國晉初史略/王鍾麒編.—北京：知識產權出版社，2012.12

（民國文存）

ISBN 978-7-5130-1728-2

I. ①三… II. ①王… III. ①中國歷史—三國時代②中國歷史—晉代 IV. ①K236

②K237

中國版本圖書館 CIP 數據核字（2012）第 273313 號

三國晉初史略

Sanguo Jinchu Shilüe

王鍾麒 編

出版發行：知識產權出版社

社 址：北京市海澱區馬甸南村 1 號

網 址：<http://www.ipph.cn>

發行電話：010-82000860 轉 8101/8102

責編電話：010-82000860 轉 8346

印 刷：北京中獻拓方科技發展有限公司

開 本：720 mm×960mm 1/16

版 次：2013 年 1 月第一版

字 數：125 千字

郵 編：100088

郵 箱：bjb@cnipr.com

傳 真：010-82005070/82000893

責編郵箱：hanshuai@cnipr.com

經 銷：新華書店及相關銷售網站

印 張：10

印 次：2013 年 1 月第一次印刷

定 價：32.00 元

ISBN 978—7—5130—1728—2/K·167(4578)

出版權專有 侵權必究

如有印裝質量問題，本社負責調換。

民國文存

(第一輯)

編輯委員會

文學組

組長：劉躍進

成員：尚學鋒 李真瑜 蔣 方 劉 勇 譚桂林 李小龍

葉 曄 吳冠文 鄧如冰 金立江 張新贊

歷史組

組長：王子今

成員：秦永洲 張 弘 李雲泉 李揚帆 姜守誠 吳 密

姜 鵬

哲學組

組長：周文彰

成員：胡 軍 胡偉希 彭高翔 干春松 楊寶玉

出版前言

民國時期，社會動亂不息，內憂外患交加，但中國的學術界卻大放異彩，文人學者輩出，名著佳作迭現。在炮火連天的歲月，深受中國傳統文化浸潤的知識份子，承當著西方文化的衝擊，內心洋溢著對古今中外文化的熱愛，他們窮其一生，潛心研究，著書立說。歲月的流逝、現實的苦樂、深刻的思考、智慧的光芒均流淌於他們的字裡行間，也呈現於那些細緻翔實的圖表中。在書籍紛呈的今天，再次翻開他們的作品，我們仍能清晰地體悟到當年那些知識分子發自內心的真誠，蘊藏著對國家的憂慮，對知識的熱愛，對真理的追求，對人生幸福的嚮往。這些著作，可謂是中華歷史文化長河中的珍寶。

民國圖書，有不少在新中國成立前就經過了多次再版，備受時人稱道。許多觀點在近一百年後的今天，仍可說是真知灼見。眾作者在經、史、子、集諸方面的建樹成為中國學術研究的重要里程碑。蔡元培、章太炎、陳柱、呂思勉、謝無量、錢基博等人的學術研究今天仍為學者們津津樂道；魯迅、周作人、沈從文、丁玲、梁遇春、李健吾等人的文學創作以及傅抱石、豐子愷、徐悲鴻、陳從周等人的藝術創想，無一不是首屈一指的大家名作。然而這些凝結著汗水與心血的作品，有的已經

罹於戰火，有的僅存數本，成為圖書館裡備受愛護的珍本，或成為古玩市場裡待價而沽的商品，讀者很少有隨手翻閱的機會。

鑑此，為整理保存中華民族文化瑰寶，本社從民國書海裡，精心挑出了一批集學術性與可讀性於一體的作品予以整理出版，以饗讀者。這些書，包括政治、經濟、法律、教育、文學、史學、哲學、藝術、科普、傳記十類，綜之為民國文存。每一類，首選大家名作，尤其是對一些自新中國成立以後沒有再版的名家著作投入了大量的精力，進行了整理。在版式方面有所權衡，基本採用化豎為橫、保持繁體的形式，標點符號則用現行的規範予以替換，一者考慮了民國繁體文字可以呈現當時的語言文字風貌，二者顧及到今人從左至右的閱讀習慣，以方便讀者翻閱，使這些書能真正走入大眾。然而，由於所選書籍品種較多，涉及的學科頗為廣泛，限於編者的力量，不免有所脫誤遺漏及不妥當之處，望讀者予以指正。

目 錄

三國史略	1
一、時勢之鳥瞰	2
二、黃巾之動亂	6
三、董卓之凶恣與涼州諸將之撓政	10
四、山東同盟與曹操挺起	14
五、袁曹之鬪與羣雄併滅	19
六、孫氏之據有江東	27
七、劉備之初起與入蜀	31
八、曹丕篡漢與蜀吳自立	35
九、蜀吳之和戰	40
十、諸葛亮之治蹟	45
十一、遼東入魏與交州入吳	50
十二、魏吳交爭與吳廷變故	54
十三、司馬氏世專魏政	59
十四、蜀漢之亡與司馬炎之代魏平吳	64
晉初史略	69
一、司馬氏之代魏開晉	70

二、孫皓之立與羊陸之交	72
三、羊陸之歿與定計伐吳	76
四、分道平吳與晉室統一	80
五、孫皓入洛與渾濬爭功	85
六、廣封宗親與撤廢州郡武備	88
七、相猜之漸與惠帝之嗣	91
八、八王大亂之序幕——賈后之初縱	97
九、賈后之極恣與汝南楚王之先覆	103
十、賈后之廢死與趙王之篡立	110
十一、趙王之廢死與齊王之繼起	116
十二、齊王之覆滅與成都長沙之代興	121
十三、成都河間之合兵與長沙之見殺	126
十四、成都河間之迭霸與東海之挺起	130
十五、八王大亂之終結——東海之獨占與成都河間之就夷	135
 編後記	 143

三國史略

一、時勢之鳥瞰

中國民族由極盛之兩漢以轉入中衰之六朝，三國紛擾實尸其咎。蓋自漢獻帝初平元年之廢立，以迄晉武帝太康元年之平吳，先後凡經九十年（一九〇～二八〇）；此九十年中，豪雄角逐，禍結兵連，民生其間，幾無日不在動盪變幻中，誠中古史上一大時代也。

東漢以還，羌胡時動，中朝有事西陲，輒仍歲累月而不解，以故精兵猛士恆聚於涼州。其後羌燄雖戢，而重兵所在，終為亂階。何進之後，曹操之前，撓朝政而亂王室者，胥涼州將士也。董卓肆虐，特其先驅焉耳。卓本六郡良家子，選為羽林郎，累功拜并州刺史、河東太守、前將軍。會以何進之謀，遂將兵入朝，脅弒太后，廢立由己，務為威猛。時渤海太守袁紹之徒凡十餘鎮，各興義兵，同盟西討。於是卓遷帝長安，悉燒洛陽宮廟官府居家，二百里內，無復孑遺。諸鎮兵之討卓者，又多為卓敗。卓益縱恣，羣僚惴惴，莫能自固。司徒王允乃密結呂布、士孫瑞等以計誅殺之。卓死，其故部曲李傕、郭汜、張濟、樊稠等復入長安，殺王允，逐呂布，遂自為將軍，封列侯。傕、汜、稠共秉朝政，而濟則出屯弘農。既而傕、稠相猜，傕刺殺稠；傕、汜復治兵相攻，張濟自陝來和解。帝亦與張楊、楊奉、董承等謀，乘間東歸。密招故白波帥李樂、韓暹、胡才等為助，始得於建安元年（一九六）之七月展轉還洛陽。時諸將爭權，干亂時事，董承乃潛召兗州牧曹操，冀相鎮定。操將兵詣闕，以洛陽殘破，移帝都許。楊奉、韓暹等欲要車駕，操擊之，皆敗走。數年之間，奉、暹及李樂、胡才、張濟、郭

汜、李傕、張楊皆為操所夷滅。由是權歸曹氏，天子總已，百官備員而已。

初，靈帝末葉（一八四年後），黃巾大起，所在燔燒官府，劫略聚邑，州郡失據，長吏多逃亡。京師震動，發天下精兵，遣北中郎將盧植、左中郎將皇甫嵩、右中郎將朱儁分道討治，僅乃破滅。而事定之後，州牧郡守轉得各擅當地之財賦甲兵以便宜行事矣。方董卓盛時，州郡諸鎮之同盟西討，內實為己。蓋其時劉氏必亡之象已為人所共知，故各為自立之計而務為兼并相攻伐。史載跨州連郡之雄凡十餘：

袁紹居鄴，并冀、青、幽、并四州。

曹操居鄆，并兗、豫二州。

袁術居壽春，據揚州、徐州。

陶謙居彭城；後劉備、呂布迭居下邳，先後據徐州。

劉表居襄陽，并荊州。

劉焉居綿竹，并益州。

馬騰、韓遂居隴右，并涼州。

劉虞居薊，公孫瓚居易，據幽州。

公孫度居襄平并營州。

孫策居吳，并揚州、交州。

張魯居南鄭，據漢中郡。

董卓既亡，漢帝都許依曹氏，而天下相爭益亟。先是，初平三年（一九二），誅董卓，關中大亂；黃巾餘衆入兗州，殺劉岱。鮑信等乃迎曹操為兗州牧，討黃巾，降之，鮑信死焉。興平元年（一九四），操攻陶謙；而呂布襲鄆，兗州郡縣多失，操乃還。是歲，陶謙死，劉備代之。二年，操攻張邈，殺之，兗州復定。建安元年九月，操迎獻帝於洛陽，遂挾以遷許，自為司空，行車騎將軍。是

冬，呂布襲劉備，備奔操。三年十月，操攻呂布於下邳，禽殺之。時袁術亦死，操遂并徐州。四年，袁紹既并公孫瓚（劉虞先為瓚所殺），并四州之地，衆十餘萬，進軍攻許。許都大震，操拒之官渡。十二月，劉備以與董承等謀誅曹操，求外出，復到下邳。五年正月，承等謀洩皆死，操遂自將擊備，破之。備奔袁紹。十月，操與紹戰於官渡，大破之。七年，紹死，子尚代，與兄譚相攻。九年三月，操擊尚，大破之，袁氏餘衆奔烏桓，操遂并有青、冀、幽、并四州之地。十二年，操進逐烏桓，定遼東。十三年，漢罷三公官，以操為丞相。是年八月，劉表死，操擊荊州，表子琮降。劉備時在荊州，及琮降，奔夏口。十二月，操自江陵窮追擊備。

時曹操已據有北方，而孫策之弟權亦已略定江東；南北分雄，隱相敵對。所不為曹孫夷滅者，惟有涼州之馬、韓，益州之劉，南鄭之張，營州之公孫，與夫流離奔亡之劉備而已。備到夏口，乃使諸葛亮東說孫權，同拒曹操。權遂以周瑜、程普為左右督，將兵與備并力逆操，遇於赤壁。初一交戰，操軍不利，引次江北。瑜等在南岸，以計燒其船艦，并及北岸營落。於是大破操軍，追至南郡，操僅以身免。

赤壁戰後，周瑜渡江與曹仁相拒，孫權亦自將圍合肥。曹操南侵之志既不獲申，遂一意西圖，擊降張魯，殺馬騰，破韓遂及騰子超，乃并有涼州。劉備亦以其間略定荊州，西并巴、蜀，破降劉焉之子璋，并有益州。於是三分局定，而魏、蜀、吳之始基由此奠矣。

建安十八年（二一三），曹操自立為魏公，受九錫。二十一年，自進為魏王。二十五年正月死。子丕嗣立，改是年為延康元年。旋篡漢，後改元黃初（二二〇），是為魏文帝。劉備聞之，乃自立為皇帝，改元章武（二二一），是為蜀漢昭烈帝。孫權既敗曹

操，北向無功，遂以建安二十三年（二一八）與操和，操表權為驃騎將軍，假節領荊洲牧，封南昌侯。及魏代漢，魏以權為大將軍，使持節督交州，領荊州牧事，封吳王，加九錫。權雖外託事魏，而陰實觀望，遂改黃初三年為黃武元年（二二二），臨江拒守；然猶與魏文相往來，逾年始絕。越七年，權自立為皇帝，更元黃龍（二二九），是為吳大帝。至是，三方鼎立，各不相下，而“三國”之名乃大定。

自此以後，直至蜀漢滅亡之歲，三方鼎峙者凡四十四年（二二〇～二六三）。而實際地位仍以魏占優勢，故其力常足左右大局；蜀、吳聯兵拒守，僅克自保而已。以是蜀雖有忠貞幹濟之諸葛亮，亦惟坐困疆場，不能大展；而司馬懿父子反得憑藉魏政以自肥。初，魏明帝（丕子叡）死，無子，養子齊王芳立，以曹爽與司馬懿輔政。懿先已擊斬公孫淵（度之孫），平遼東，重兵在握，瞻視非常；正始九年（二四八）遂計殺曹爽，改元嘉平，由是魏政出司馬氏矣。

嘉平三年（二五一），司馬懿死，子師輔政。六年，魏帝（芳）為師所廢，別立文帝孫高貴鄉公髦。正元二年（二五五），師死，弟昭輔政。甘露五年（二六〇），帝髦不甘坐見廢辱，自出討昭，反為昭左右所弑。昭後立武帝孫陳留王奂，改元景元；遂自為相國，封晉公，加九錫。四年，遣鄧艾、鍾會等滅蜀。咸熙元年（二六四），昭進爵晉王。二年死，子炎嗣立，即於是年十二月篡魏，是為晉武帝。魏自文帝黃初元年至此，凡五世，四十六年而亡。

蜀漢昭烈帝章武元年，吳將呂蒙入荊州，襲殺關羽。帝自將伐吳，大敗於夷陵，走還永安。二年死，子禪立，改元建興（二二三），是為後主。丞相諸葛亮與吳連和，先征南中以杜內顧，然後六

出祁山以爭中原；卒以餉運不繼，死於五丈原，時建興十二年（二三四）也。亮死而蜀政始敝，姜維治兵於外，一意北侵；黃皓竊柄於內，務為牽掣；後主闇弱，一任所為。及炎興元年（二六三），魏兵入成都，後主出降。蜀漢自章武元年至此，凡二世，四十三年而亡。後主入洛陽，魏封為安樂公，至晉泰始七年（二七一）始死。

吳大帝中葉，太子登死（二四二），更以子和為太子。又愛少子霸，寵遇無殊，遂敗霸謀，屢讒和。帝知而大怒，殺霸廢和，更以子亮為太子。及死，亮立（二五二），是為廢帝。時孫峻構殺諸葛恪，自為丞相大將軍，窮極凶暴。未幾，峻死，從弟綝代執政，以帝漸長親政，明習國事，懼有所失，遂廢為會稽王；而迎立其兄瑯邪王休，是為景帝。景帝即位（二五八），族誅綝。永安七年，適當魏滅蜀之歲，帝死；以嗣子幼冲，諸大臣乃迎立故太子和子烏程侯皓立之（二六四）。皓性驕暴，耽酒色，濫刑罰，吳政大亂。甘露元年（二六五），晉篡魏。天紀四年（二八〇）晉師大至，皓降，晉封為歸命侯，至太康五年（二八四），死於洛陽。吳自黃龍元年稱帝至此凡四世，五十二年而亡。於是中國復歸一統，上距蜀漢滅亡之歲蓋已十六年矣。

本章參考：

見拙著《三國志選注序》，收商務印書館《學生國學叢書》中。

二、黃巾之動亂

後漢桓、靈之間，主荒政謬，國命委於閹寺，黨禍徧於閭左；又復賣官公行，毒流吏治。於是民不聊生，人心思亂，黃巾一

起，宇內鼎沸矣。

初，鉅鹿人張角奉事黃、老，以妖術教授，號“太平道”。咒符水以療病，令病者跪拜首過；或時病愈，衆共神而信之。角分遣弟子周行四方，轉相誑誘。十餘年間，徒衆數十萬，自青、徐、幽、冀、荆、揚、兗、豫八州之人莫不舉應。或棄賣財產，流移奔赴，填塞道路；未至病死者亦以萬數。郡縣不解其意，反言角以善道教化，爲民所歸。太尉楊賜時爲司徒，上書言：“角誑耀百姓，遭赦不悔，稍益滋蔓。今若下州郡捕討，恐更騷擾速成其患。宜切敕刺史二千石簡別流民，各護歸本郡，以孤弱其黨；然後誅其渠帥，可不勞而定。”會賜去位，事遂留中。司徒掾劉陶復上疏申賜前議，言：“角等陰謀益甚，四方私言云：‘角等竊入京師，覘視朝政，鳥聲獸心，私共嗚呼。’州郡忌諱，不欲聞之；但更相告語，莫肯公文。宜下明詔，重募角等，賞以國土。有敢回避，與之同罪。”靈帝殊不爲意。角遂置三十六方。方，猶將軍也。大方萬餘人，小方六七千，各立渠帥。訛言：“蒼天已死，黃天當立，歲在甲子，天下大吉。”以白土書京城寺門（各官舍之門）及州郡官府，皆作“甲子”字。大方馬元義等先收荆、揚數萬人，期會發於鄴。元義數往來京師，以中常侍封諤、徐奉等爲內應，約以甲子年（靈帝光和七年，是年十二月改元中平，故後追稱中平元年）三月五日內外俱起。

中平元年（一八四）春，角弟子濟南唐周上書告變，於是收馬元義，車裂於洛陽。詔三公司隸案驗宮省直衛及百姓有事角道者，誅殺千餘人。又下冀州逐捕角等。角等知事已露，晨夜馳敕諸方，一時俱起。其黨皆著黃巾以爲標幟，故時人謂之“黃巾賊”。

二月，角自稱天公將軍，角弟寶稱地公將軍，寶弟梁稱人公將軍。所在燔燒官府，劫略聚邑。州郡失據，長吏多逃亡。旬月之

間，天下響應，京師震動。安平、甘陵人至各執其王（安平王續、甘陵王忠）以應之。三月壬申，以河南尹何進為大將軍，封愼侯，率羽林五營營士屯都亭，修理器械，以鎮京師。置函谷、太谷、廣成、伊闕、轅轅、旋門、孟津、小平津八關都尉。發天下精兵，遣北中郎將盧植討張角，左中郎將皇甫嵩、右中郎將朱儁討潁川黃巾。庚子，南陽黃巾張曼成攻殺太守褚貢。

夏四月，皇甫嵩、朱儁合將四萬餘人共討潁川。嵩、儁各統一軍。儁與賊波才戰，敗。嵩進保長社。時汝南黃巾敗太守趙謙於邵陵，廣陽黃巾殺幽州刺史郭勳及太守劉衛，勢張甚。儁既敗，波才遂圍皇甫嵩於長社。嵩兵少，軍中皆恐。賊依草結營，會大風，嵩約敕軍士皆束苜蓿乘城，使銳士間出圍外，縱火大呼。城上舉燎應之，嵩從城中鼓譟而出，奔擊賊陣。賊驚亂，而騎都尉沛國曹操將兵適至。五月，嵩、操與朱儁合軍，更與賊戰，大破之。封嵩都鄉侯。六月，嵩、儁乘勝進討汝南、陳國黃巾，追波才於陽翟，擊彭脫於西華，並破之。餘賊降散，三郡悉平。嵩乃上言其狀，以功歸儁。於是進封儁西鄉侯，遷鎮賊中郎將。詔嵩討東郡，儁討南陽。

北中郎將盧植連戰破張角，斬獲萬餘人。角走保廣宗。植築圍鑿塹，造作雲梯，垂當拔之。帝遣小黃門左豐視軍。或勸植以賂送豐，植不肯。豐還，言於帝曰：“廣宗賊易破耳，盧中郎固壘息軍以待天誅。”帝怒，檻車徵還，減死一等；遣東中郎將隴西董卓代之。秋八月，皇甫嵩與黃巾戰於蒼亭，獲其帥卜巳。董卓攻張角，無功抵罪。乙巳，詔嵩討角。冬十月，嵩與角弟梁戰於廣宗。梁衆精勇，嵩不能克。明日，乃閉營休士以觀其變。知賊意稍懈，乃潛夜勒兵，雞鳴馳赴其陣。戰至晡時，大破之，斬梁；獲首三萬級，赴河死者五萬許人。角先已病死，剖棺戮屍，傳首京師。十一月，嵩復攻角弟寶於下曲陽，斬之；斬獲凡十餘萬人。即

拜嵩左車騎將軍，領冀州牧，封槐里侯。

先是，南陽黃巾張曼成攻殺太守，屯宛下百餘日。六月，南陽新守秦頡擊斬之；餘黨更以趙弘為帥，衆復盛，至十餘萬，入據宛城。朱儁與荊州刺史徐璆等合兵圍之，自六月至八月不拔。有司奏徵儁，司空張溫疏解之，謂：“臨軍易將，兵家所忌，宜假日月，責其成功。”帝乃止。既而儁擊斬弘，賊帥韓忠復據宛拒儁。儁鳴鼓攻其西南，賊悉衆赴之；儁自將精卒掩其東北，乘城而入。忠乃退保小城，惶懼乞降。儁因急攻，連戰不克。儁登土山望之，顧謂司馬張超曰：“賊今外圍周固，內營逼急，乞降不受，欲出不得，所以死戰也。萬人一心，猶不可當，況十萬乎！不如撤圍，并兵入城。忠見圍解，勢必自出。自出則意散，易破之道也。”及圍解，忠果出戰。儁因大擊破之，斬首萬餘級。南陽太守秦頡殺忠；餘衆復奉孫夏為帥，還屯宛。儁急攻之，司馬孫堅率衆先登。十一月癸巳，拔宛城，孫夏走。儁追至西鄂精山，復破之，斬萬餘級。於是黃巾破散，其餘州郡所誅，一郡數千人。

自張角之亂，所在盜賊蜂起，博陵張牛角、常山褚飛燕之徒不可勝數。大者二三萬，小者六七千，並為毒害。朝不能討，至就寵官爵以羈縻之。於是黃巾餘孽更相扇假，禍結經歲而不休，卒為羣雄驅除，漢祚遂潛移矣。

本章參考：

《後漢書》卷八《靈帝本紀》。

同書卷一百一《皇甫嵩傳》《朱儁傳》。

同書卷一百八《宦者張讓傳》。

《後漢紀》卷二十四《孝靈皇帝紀中》。

《資治通鑑》卷五十八《孝靈皇帝中》。